

Qishloq hayoti

O'zbekiston Respublikasi ijtimoiy-iqtisodiy gazetasi

1974-yil 1-yanvardan chiqq boshlagan

2019-yil 16-aprel, seshanba 29 (8996)-son

web sayt: www.qishloqhayoti.uz

ҚОЗОҒИСТОН – ЯҚИН ҚЎШНИМИЗ, ИШОНЧЛИ ҲАМКОРИМИЗ ВА ҚАЛИН ШЕРИГИМИЗ

Ўзбекистон Республикаси Президенти Шавкат Мирзиёевнинг таклифига биноан Қозоғистон Республикаси Президенти Қосим-Жомарт Тоқаев 14-15 апрель кунлари давлат таширифи билан мамлакатимизда бўлди.

Ўзбекистон мустақилликнинг илк кунларидан Марказий Осиё мамлакатлари, жумладан, Қозоғистон билан ўзаро ишонч ва яхши қўшничиликка асосланган муносабатларни ривожлантириш йўлидан борди. Халқларимиз нафақат яқин қўшни, балки қардош сифатида кўп қиррали ҳамкорликнинг барча масалалари бўйича азалдан бир-бирларини тушуниб, қўллаб-қувватлаб келган. Ўтган йиллар давомида бу алоқалар янада мустаҳкамланди, мамлакатларимиз яхши қўшни ва ўзаро манфаатли ҳамкор сифатида тараққиёт йўлидан елкама-елка бормоқда.

Давлатларимиз ўртасида стратегик шерикликни мустаҳкамлашда Ўзбекистон Президенти Шавкат Мирзиёев ва Қозоғистоннинг Биринчи Президенти – Элбоши Нурсултон Назарбоевнинг ҳисоasi беқиёс.

Президентимизнинг очиқ ва прагматик сиёсати, хорийжий давлатлар, аввало, қўшни мамлакатлар билан дўстона ва ўзаро манфаатли муносабатларни ривожлантириш борасидаги ташаббуслари натижасида Ўзбекистон – Қозоғистон ҳамкорлиги янги босқичга кўтарилди.

Президентимизнинг 2017 йил 22-23 март кунлари Қозоғистонга давлат таширифи мамлакатларимиз муносабатлари ривожда тарихий даврни бошлаб берди. Уша йили 16-17 сентябрь кунлари Қозоғистон Республикаси Биринчи Президенти Нурсултон Назарбоевнинг мамлакатимизга давлат таширифи олий даражадаги мулоқотларнинг изчил давоми бўлди.

Ўтган қисқа вақтда икки томонлама алоқаларда илгари кузатилмаган юқори натижаларга эришилди. Икки давлат раҳбарларининг мунтазам учрашув ва мулоқотлари мамлакатларимиз ўртасидаги алоқаларни янада мустаҳкамлади.

Қозоғистон Республикаси Президенти Қосим-Жомарт Тоқаевнинг мазкур давлат таширифи мамлакатларимиз ўртасидаги дўстлик, яхши қўшничилик ва стратегик шериклик муносабатларини янада кенгайтиришда навбатдаги қадам сифатида икки томон учун бирдек манфаатлидир.

Таширифинг асосий тадбирлари 15 апрель куни бўлиб ўтди. Кўксарой қароргоҳида Қозоғистон Республикаси Президенти расмий кутиб олиш маросими бўлди.

Шундан сўнг Шавкат Мирзиёев ва Қосим-Жомарт Тоқаев тор доирада учрашув ўтказди.

Президентимиз Қозоғистон Президентини Ўзбекистонга таширифи билан кутлаб, мазкур ташириф икки давлат ўртасидаги мулоқотларнинг манتيқий давоми эканини таъкидлади.

Сизнинг Қозоғистон Республикаси Президенти сифатида Ўзбекистонга илк давлат таширифи билан келганингизни жуда юксак қадрлаймиз. Биз буни икки томонлама стратегик шериклик муносабатларининг яна бир асоси деб биламиз. Қозоғистон бизнинг яқин қўшнимиз, ишончли ҳамкоримиз ва қалин шеригимиздир. Биз ҳеч қачон бир-биримиздан ажралмаймиз, деди Шавкат Мирзиёев.

(Давоми 2-саҳифада)

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОНДА ҚОЗОҒИСТОН ЙИЛИНИНГ ТАНТАНАЛИ ОЧИЛИШ МАРОСИМИДАГИ НУТҚИ

Хурматли Қосим-Жомарт Кемелевич!
Хонимлар ва жаноблар!
Ассалому алайкум, азиз меҳмонлар!
Сиз, азизларни меҳмондўст Ўзбекистон заминидан яна бир бор кутлаймиз.

Бутун Ўзбекистон халқи номидан биродар Қозоғистон Республикаси Президенти Қосим-Жомарт Кемелевич Тоқаевни мамлакатимизга илк бор давлат таширифи муносабати билан чуқур мамнуният изҳор этишга руҳсат бергайсиз.

Хурматли Қосим-Жомарт Кемелевич!

Азиз дўстлар!
Хонимлар ва жаноблар!
Бугун сизларни Ўзбекистонда Қозоғистон йилининг тантанали очилиш маросимида кутлашдан мамнунман.

Қозоғистон Республикасининг Биринчи Президенти, Элбоши, оғам, муҳтарам Нурсултон Абишевнинг Назарбоевнинг 2017 йил сентябрь ойида мамлакатимизга давлат таширифи чоғида биз ўтган йили Қозоғистонда Ўзбекистон йилини, бу йил эса юртимизда Қозоғистон

йилини ўтказишга келишиб олган эдик.

Фурсатдан фойдаланиб, кўпмиллатли Ўзбекистон халқи номидан Нурсултон Абишевнинг мамлакатларимиз ўртасидаги дўстлик, яхши қўшничилик ва шериклик муносабатларини мустаҳкамлашга қўшган беқиёс ҳисоasi, шунингдек, мамлакатингизда ўтказилган ажойиб, ёрқин ва унутилмас Ўзбекистон йили тадбирлари учун самимий миннатдорлик изҳор қилмоқчиман.

Бугун муҳтарам Қосим-Жомарт Кемелевич билан биргаликда Ўзбекистонда Қозоғистон йилининг очилиши мамлакатларимиз ўртасида стратегик шериклик муносабатлари жадал ривожланиб, ўзаро ишонч ва қўллаб-қувватлаш, биродарлик ришталари узвий мустаҳкамланиб бораётганидан далолатдир.

Бу муҳим воқеалик, шунингдек, халқларимиз ўртасидаги азалий ва самимий дўстлик, маданий ва маънавий яқдиллик рамзидир.

(Давоми 2-саҳифада)

ҚОЗОҒИСТОН РЕСПУБЛИКАСИ ПРЕЗИДЕНТИ ҚОСИМ-ЖОМАРТ ТОҚАЕВНИНГ ЎЗБЕКИСТОНДА ҚОЗОҒИСТОН ЙИЛИ ОЧИЛИШИГА БАҒИШЛАНГАН МАРОСИМДАГИ НУТҚИ

Ассалому алейкум,
Хурматли ва азиз ўзбек қардошлар!

Аса қўрметти, Шавкат Миромонович, жеке Ўзиңизге және Ўзбекстан халқына жылы шыраймен қарсы алып, қонақжайлық көрсеткендеріңіз үшін зор алғыс айтамын.

“Қазақ пен өзбектің базары да бір, мазары да бір” деп бабаларымыз бекер айтпаған. Екі халықтың тілі де, діні де, тағдыры да, тарихы да біртұтас.

Халқларимиз Марказий Осиёдаги кўна ва буюк тамаддун ворисларидир.

Биз кўплаб муҳим синовларни биргаликда енгиб, аждодаларимиз анъаналари, қадриятлари ва маданий-маънавий меросини сақлаб қолдик.

Қозоғистон билан Ўзбекистон ўртасидаги стратегик шериклик ва самарали ҳамкорлик ушбу тарихий дўстликнинг манتيқий давомидир.

Кейинги йилларда қардош ва дўст мамлакатларимизнинг сиёсий, иқтисодий, гуманитар алоқалари янада юксак босқичга кўтарилди.

Чегарадош худудлар ҳам-

корлиги мустаҳкамланиб бормоқда, товар айирбошлаш ҳажми муттасил ортмоқда.

Шуни қатъий ишонч билан таъкидлашим мумкинки, бугунги кунда Қозоғистон – Ўзбекистон муносабатларида муаммоли масалалар мавжуд эмас. Ақсинча, дўстлик ва ҳамкорликни мустаҳкамлашга ўзаро интилиш мавжуд.

Қозоқ халқи азалдан қардошлик ва дўстлик ришталарига содик, яхши қўшничиликни қадрлайди.

Биз доимо ўзбекларни ўзимизга қону қардош биланмиз ва шундай ҳисоблашда давом этамиз.

Ўзбек халқи ҳам бизга нисбатан шундай илиқ туйғулар туяётгани бизга яхши маълум.

Қардош халқларимизни ягона тақдир ва умумий келажак боғлаб туради.

Биз асарлари Ўзбекистонда диққат билан ўрганиладиган аждодимиз Хўжа Аҳмад Яссавий билан фахрланамиз.

Қозоқ ҳуқуқи ижодкорлари – икки буюк бий – Тўлебий ва Ойтекебий Ўзбекистонда мангу кўним топган.

(Давоми 2-саҳифада)

ЎЗБЕКИСТОНДА ҚОЗОҒИСТОН ЙИЛИ ОЧИЛДИ

у қардошлик ва яхши қўшничилик муносабатларини янада мустаҳкамлашга хизмат қилади

Ўзбекистон Республикаси Президенти Шавкат Мирзиёев ва Қозоғистон Республикасининг Биринчи Президенти Нурсултон Назарбоев 2017 йилда олий даражадаги мулоқотлар сўнгисида 2018 йилда Қозоғистонда Ўзбекистон йили ва 2019 йилда Ўзбекистонда Қозоғистон йилини ўтказишга келишиб олган эди.

сафарлари қўшни Қозоғистон вилоятларида катта қизиқиш билан қарши олинди.

Бугунги кунда мамлакатларимиз олий таълим тизимида ҳамкорликка оид 50 дан зиёд битим ва келишувлар амал қилади. Мамлакатимиздаги 400 га яқин мактабда қозоқ тили ўқитилади, олий таълим муассасаларида қозоқ тили, математика, физика ва бошқа фанлар бўйича педагог кадрлар тайёрланади. Чимкент шаҳрида 2018 йилнинг май ойида Ўзбекистон Республикаси Вазирлар Маҳкамаси ҳузуридаги Имплатлараро муносабатлар ва хорийжий мамлакатлар билан дўстлик алоқалари қўмитаси ва Қозоғистон халқ ассамблеяси ўртасида ҳамкорлик тўғрисида меморандум имзоланди. Бу икки мамлакат худудидан ўзбек ва қозоқ тилларини ўрганишдаги ҳамкорликни амалий мазмун билан бойитиш имконини берди.

Президентимиз Шавкат Мирзиёевнинг 2018 йил 13 мартда “Буюк қозоқ шоири ва мутафаккири Абай Қўнонбоев ижодий меросини кенг ўрганиш ва тарғиб қилиш тўғрисида”ги қарори қабул қилинди. Шунинг баробарида Қозоғистонда сўз мулкнинг султони Алишер Навоий таваллудининг 577 йиллиги катта тантана қилинди. Бу адабиёти ва маданияти бир дарёдан сув ичган, азалдан қавму қариндош бўлган халқларимиз ҳаётидаги муҳим воқеадир.

(Давоми 2-саҳифада)

Яқинда Навоий шаҳрида фойдаланишга топширилган “Grand medical center” хусусий клиникасига малакали мутахассисларнинг жалб этилгани, хусусан, ҳиндистонлик мутахассислар ва пойтахтимиздаги малакали шифокорлар ўртасида доимий ҳамкорлик алоқаларининг ўрнатилгани эътиборлидир.

Навоийга замонавий клиника иш бошлади


– Мазкур замонавий клиниканинг Хитой, Германия, Россия, Корея давлатларидан келтирилган замонавий тиббий асбоб-ускуналар билан жиҳозлангани аҳоли саломатлигини мустаҳкамлашда муҳим омил бўлиб хизмат қилади, – дейди клиника раҳбари, ёш тадбиркор Ғолиб Каримов. – Эътиборлиси, клиниканинг фаолиятини бошлаши муносабати билан 40 та янги иш ўрни яратилди.

Бу ерда 10 дан ортиқ йўналишлар бўйича малакали шифокорлар томонидан тиббий муолажалар олиб борилди. Бир кунда 30 нафар беморни стационар даволаш ҳамда 250 та беморни амбулатор қабул қилиш имконияти мавжуд.

– Барча шариоитларга эга, кўркам бинода фаолият юритиш гайратимизни янада оширади, – дейди болалар невропатологи Д.Бозорова. – Айниқса, сўнгги рўсумдаги технологиялар касалликни вақтида аниқлаш ва тўғри ташхис қўйишда муҳим аҳамият касб этади.

Клиниканинг очилиш маросимида Навоий вилояти ҳокими Қ.Турсунов иштирок этди.

Отабек АСЛОНОВ, “Qishloq hayoti” мухбири.



Жамиш НОРҚОБИЛОВ (ўса) олган сурат.

Ватан ҳимояси - муқаддас бурч

ВАТАНГА СОДИҚЛИК ҚАСАМЁДИ

Қарши шаҳридаги “Ватанпарварлар” боғида мuddатли ҳарбий хизматга қақирилган йигитлар қасамёд қилди.

“Жонажон Ўзбекистонимнинг нурли истиқболи учун унинг давлат манфаатлари ва мустақиллигининг муносиб ҳимоячиси бўлишга қасамёд қиламан”, деган жарангдор овозлар, айниқса, маросимни кузатиб турган ёшларни руҳлантириб юборди, улар

бул қилаётган аскарларга, уларнинг ўзига ярашиб турган либосига ҳавасимиз келди, – дейди таассуротларини яшира олмаган Достон Мирзаев. – Шу дақиқаларда менда ҳам ҳарбий хизматга бориш, Ватанимга хизмат қилишдек шарафли бурчни адо этиш мақсади янада қатъийлашди.

Ҳарбий қасамёд қабул қилиш тадбирининг “Ватанпарварлар” боғида ўтказилиши ҳам ўзига хос аҳамият касб этди. Боғда яратилган қулайликлар, кўркам манзара, ўрнатилган экспонатлар иштирокчиларда катта таассурот қолдирди.

(Давоми 2-саҳифада)

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОНДА ҚОЗОҒИСТОН ЙИЛИНИНГ ТАНТАНАЛИ ОЧИЛИШ МАРОСИМИДАГИ НУТҚИ

(Боши 1-саҳифада)

Қозоғистоннинг Абай Қўнонбоев, Мухтор Аvezов, Ахмет Байтурсунов, Илбес Есенберлин, Ўлжас Сулаймонов ва бошқа кўплаб атоқли маданият намояндалари тинчлик ва эзулликни асраш, халқларимизга хос юксак инсоний фазилатларни тараннум этган.

Ўзининг жўшқин асарлари билан улар ушбу эзу қадриятларни ҳозирги авлодга етказиш, мамлакатларимиз, халқларимиз ўртасидаги анъанавий дўстлик ва яхши кўшничлик муносабатларини кенгайтиришга улкан ҳисса қўшган.

Шу муносабат билан мен ҳамкорлигимиз келажакка катта некинлик билан қарамоқдам ва Ўзбекистондаги Қозоғистон йили тадбирлари ушбу кўп асрлик алоқаларни янада мустаҳкамлашга ишончим комил.

Бугунги кунда Қозоғистон бутун дунёга давлат ва жамият қурилишининг барча соҳаларида, жумладан, замонавий рақобатбардош иқтисодий ривожлантириш, аҳоли турмуш даражаси ва сифатини изчил ошириш бўйича эришилган салмоқли муваффақиятларини намойён қилаётганини катта мамнуният билан таъкидламоқчиман.

Ишончим комилки, мамлакатимизда Қозоғистон йили тадбирлари нафақат ушбу йўналишдаги ишлар натижаларини намойиш қилиш имконини беради, балки мамлакатларимиз санъати, илм-фани, таълими, бизнеси вакиллари ўртасида ўзаро манфаатли алоқаларни кенгайтириш, билим ва ютуқларни алмашиш учун янги уфқлар очиб беради.

Буларнинг барчаси маданиятларни бойитиш, халқларимизни янада яқинлаштиришга хизмат қилиши шубҳасиз.

Юртимизда яқинда ўтказилган Халқаро бахшичилик санъати фестивалида қозоғистонлик Улжан Байбусинова Гран-прига сазовор бўлгани ҳам қувонарли ҳол.

Барча қозоғистонлик дўстларимизни самимий кутлайман! Азиз дўстлар!

Ўйлайманки, Ўзбекистонда Қозоғистон йили қардош мамлакат санъат усталарининг катта концерт дастури – кўпмиллатли Қозоғистоннинг ёрқин ва серқирра намойиши билан бошланишида рамзий маъно мужассам.

Дарҳақиқат, шеърят, мусиқа ва кўшиқ халқларнинг энг пок ва гўзал орзу-умидлари, эзу интилишларини ифода этади.

Шу муносабат билан қозоғистонлик дўстларимиз, барча иштирокчиларга ушбу байрам концертини ташкил қилганликлари учун самимий миннатдорлик изҳор қилмоқчиман.

Хурматли дўстлар!
Қозоқ халқ мақолида айтилганидек: "Туы-сы жа-қын – жа-қын емес, кўны-сы жа-қын – жа-қын".

Биз қардош Қозоғистон билан йўлга қўйилган дўстлик ва яхши кўшничлик ришталарини қадраймиз ва энг яқин кўшнимиз билан мулоқот ҳамда кўп қиррали ҳамкорликни мустаҳкамлашга интиламиз.

Биз бир-биримизга ҳамisha елкадош бўлиб келганмиз, хавф-хатарларга қарши биргаликда курашганмиз, бугун эса умумий ёрқин келажакимиз ҳам бирга қурмоқдамиз.

Ўйлайманки, улуғ бошбалоқларимиз Алишер Навоий ва Абай Қўнонбоевларнинг муқаддас руҳи бизни бу йўлда қўллаб-қувватлайди.

Биз халқларимиз, фарзандларимиз ва набираларимиз тинчлиги ва фаровонлиги йўлида қўлимиздан келган барча ишларни қиламиз!

Хурматли Қосим-Жомарт Кемелевич!
Мухтарам қозоғистонлик дўстлар!

Бугунги кун Ўзбек-қозоқ муносабатларида янги, тарихий сана сифатида халқларимиз ўртасидаги қардошлик алоқаларини ривожлантириш учун мустаҳкам замин яратади, деб ишонаман.

Яна бир бор Ўзбекистонга хуш келибсиз!
Эътиборингиз учун раҳмат!

ҚОЗОҒИСТОН РЕСПУБЛИКАСИ ПРЕЗИДЕНТИ ҚОСИМ-ЖОМАРТ ТОҚАЕВНИНГ ЎЗБЕКИСТОНДА ҚОЗОҒИСТОН ЙИЛИ ОЧИЛИШИГА БАҒИШЛАНГАН МАРОСИМДАГИ НУТҚИ

(Боши 1-саҳифада)

Биз Тошкентга алоҳида илик муносабатдамиз, зеро атоқли қозоқ зиёлиларининг ҳаёти ва фаолияти шу шаҳар билан боғланган.

Қозоқ маданиятини қўллаб-қувватлаётгани учун Ўзбекистон раҳбариятидан миннатдоримиз.

Шавкат Миромонович Мирзиёевнинг "Буюк қозоқ шоири ва мутафаккири Абай Қўнонбоев ижодий меросини кенг ўрганиш ва тарғиб қилиш тўғрисида"ги қарориди кўзда тутилган кенг қўламли чора-тадбирлар учун миннатдорлик билдираман.

Улуғ Абай биз, қозоқларни қардош ўзбек халқидан унинг эзу фазилатлари, айниқса, камтарлик ва меҳнатсеварликни ўрганишга чақирган эди.

Қозоғистонда муқим яшаётган ўзбеклар ўз маънавий, ижтимоий эҳтиёжларини тўлиқ қондира олишлари учун барча ишларни қилмоқдамиз.

Мамлакатимизда деярли барча ҳудудларда очилган ўнлаб ўзбек этномаданият марказлари фаолият юритмоқда.

Қозоғистонда ўзбек тили медиа соҳаси, таълим тизими, маданий ҳаётда қўлланилмоқда. Иккита ўзбек театри томошабинлар ўртасида муваффақият қозongan.

Мамлакатингизда доимий равишда яшаб келаятган қозоқларга кўрсатилаётган гамхўрлик учун Ўзбекистон раҳбариятидан миннатдоримиз.

Хурматли дўстлар!
Биз ҳақиқатдан тарихий воқеалар гувоҳи ва иштирокчисимиз. Жаҳон сиёсий ҳаритаси ўзгариб, унда давлатларимиз муносиб ўрин эгаллади.

Марказий Осиё минтақасининг муваффақиятли иқтисодий тарақиёти, барқарорлиги ва хавфсизлиги кўп жиҳатдан Қозоғистон билан Ўзбекистоннинг яқин ҳамкорлиги ва ўзаро мувофиқлашган саъй-ҳаракатларига боғлиқ.

Қозоғистон Республикасининг Биринчи Президенти – Элбоши Нурсултон Назарбоев ва мухтарам Президент Шавкат Мирзиёевнинг саъй-ҳаракатлари туфайли Қозоғистон – Ўзбекистон муносабатлари ҳақиқий юксалиш даврини бошдан кечирмоқда.

Қозоғистонда ўтган Ўзбекистон йили яқин алоқаларимизни мустаҳкамлашга хизмат қилди.

Унинг доирасида 200 дан зиёд қўшма тадбирлар ўтказилди, улар орасида Чимкентда бўлиб ўтган биринчи Ҳудудлараро форум алоҳида ўрин эгаллади.

Икки томонлама товар айирбошлашни 5 миллиард долларга етказишдан иборат мақсадимиз сари изчил ҳаракат қилмоқдамиз. Ўзаро транспорт қатновини фаоллаштириш борасида иш олиб борилмоқда.

Мамлакатларимиз транзит-логистика инфратузилмасини ривожлантириш Европа ва Осиё бозорларига чиқиш учун катта имкониятлар яратмоқда.

Азиз ўзбекистонлик дўстлар!
Ўзбекистонда Қозоғистон йили нафақат икки томонлама муносабатларимизда, балки бутун Марказий Осиёда ўзаро англашув ва ишонч муҳитини шакллантиришда муҳим аҳамият касб этувчи ўзига хос улкан воқеадир.

Мен мамлакатларимизнинг нафақат туркий, балки бутун жаҳон маданияти дурдонаси бўлган бош маънавий ва тарихий марказларини ўзаро боғлашни таклиф этаман.

Туркистон, Самарқанд ва Бухоро шаҳарларини бир йўналиш орқали туташтирган ҳолда туризм кластерини очиш мумкин, деб ҳисоблайман.

Қадирли бауырлар!
Ўлы Абайдың "Татулықтан артық жолдас жоқ" деген қанатты сөзи бар.

Қазақ пен өзбектің қуанышы да, мұңы да, мақсат-мұраты да бір. Аждодларимиз васият қилган қозоқ ва ўзбек халқларининг дўстлиги ва ҳамжиҳатлигини асраб-авайлаш – умумий бурчимиз.

Өзбекстандағы Қазақстан жылын ашық деп жариялаймын!
Ўзбекистонда Қозоғистон йилини очик, деб эълон қиламан!

ҚОЗОҒИСТОН – ЯҚИН ҚУШНИМИЗ, ИШОНЧЛИ ҲАМКОРИМИЗ ВА ҚАЛИН ШЕРИГИМИЗ

(Боши 1-саҳифада)

Қозоғистон Президенти таклиф учун давлатимиз раҳбарига миннатдорлик изҳор қилиб, музокаралар самарали ўтишига ишонч билдирди.

Халқларимизнинг тарихи, дини, тили бир, ўхшаш маданий қадриятларга эга. Сиз, хурматли Шавкат Миромонович ва Қозоғистоннинг Биринчи Президенти Нурсултон Назарбоев давлатлараро муносабатларни юқори босқичга олиб чиқдингиз. Бу суръатни сақлаб қолишни ўзимнинг асосий вазифам деб биламан. Қозоғистонда қардош Ўзбекистон билан алоқаларга талаб жуда катта, деди Қосим-Жомарт Тоқаев.

Бугунги кунда мамлакатларимиз ўртасидаги муносабатлар барча соҳаларда изчил тараққий этмоқда. 1998 йилда имзоланган Ўзбекистон Республикаси билан Қозоғистон Республикаси ўртасида Абдий дўстлик тўғрисидаги шартнома, 2013 йилда қабул қилинган Ўзбекистон Республикаси билан Қозоғистон Республикаси ўртасида Стратегик шериклик тўғрисидаги шартнома ўзаро ҳамкорликка мустаҳкам асос бўлмоқда.

Ўзбекистон билан Қозоғистон БМТ, ШХТ, МДХ, ИҲТ, Оролни қутқариш халқаро жамғармаси каби халқаро тузилмалар доирасида самарали ҳамкорлик қилиб келмоқда. Қозоғистон мамлакатимиз ташаббуси билан БМТ шафёлигида ташкил этилган Оролбўйи минтақаси учун Инсон хавфсизлиги бўйича кўп томонлама шериклик асосидаги Траст фонди фаолиятини қўллаб-қувватлади.

Президентлар минтақавий ҳамкорлики мустаҳкамлаш ва халқаро аҳамиятга молик муҳим масалалар юзасидан фикр алмашди. Жумладан, икки ва кўп томонлама тузилмалар доирасида халқаро терроризм, диний экстремизм, наркотикларнинг ноқонуний муомалада бўлиши, трансмиллий уюшган жиноятчилик, ноқонуний миграция ва халқаро хавфсизликка таҳдид соладиган бошқа хавф-хатарларга қарши курашиш бўйича биргаликда чоралар кўришга келишиб олинди.

Давлат раҳбарлари Афғонистон иқтисодийини қайта тиклаш ва ушбу мамлакат билан узоқ муддатли яхши кўшничлик алоқаларини ривожлантириш, жумладан, транспорт коммуникациялари, таълим ва соғлиқни сақлаш соҳаларида йирик лойиҳаларни амалга ошириш зарурлигини таъкидладилар.

Олий даражадаги музокаралар чоғида давлат раҳбарлари Ўзбекистон – Қозоғистон ҳамкорлигининг истиқболли йўналишлари, шунингдек, томонларни қизиқтирган минтақавий ва халқаро аҳамиятга молик долзарб масалаларни ҳам муҳокама қилдилар.

Ўзбекистон ва Қозоғистон расмий делегациялари иштирокидаги кенгайтирилган музокарада мамлакатларимиз ўртасидаги савдо-иқтисодий, инвестициявий ҳамкорликни янада ривожлантириш, транспорт-коммуникация, маданий-гуманитар ва бошқа соҳалардаги алоқаларни мустаҳкамлаш масалаларига эътибор қаратилди. Қозоғистон Ўзбекистоннинг энг муҳим савдо-иқтисодий шерикларидан биридир. Кейинги йилларда иқтисодийнинг етакчи соҳа ва тармоқларида жадаллашган алоқалар туфайли ўзаро савдо ҳажми 2018 йилда қарийб 50 фоиз ўсиб, 3 миллиард доллардан ошди.

Томонлар яқин йилларда бу кўрсаткични 5 миллиард долларга етказишга интилишни тасдиқлади. Ўзбекистон ва Қозоғистон ўртасида икки томонлама ҳамкорлик бўйича Ҳукуматлараро комиссияга савдо алоқалари номенклатурасини кенгайтириш, иқтисодий ҳамкорликнинг янги узоқ муддатли шакллари топиш ва ривожлантириш вазифаси қўйилди.

Бу ўзаро манфаатли иқтисодий ҳамкорликни мустаҳкамлаш ва кенгайтиришга, савдо, инвестициялар, логистика соҳаларида янги истиқболли лойиҳаларни амалга ошириш, интеграциялашган sanoat технопарклари, илмий-инновацион кластерлар ва эркин иқтисодий зоналар ташкил этишга хизмат қилади.

Томонлар 2018 йил ноябрь ойида Чимкент шаҳрида ўтган биринчи Ўзбекистон – Қозоғистон ҳудудлараро ҳамкорлик форуми ва 2019 йил мартда Тошкент шаҳрида ўтган Марказий Осиё мамлакатларининг биринчи минтақавий иқтисодий форуми яқунларини

ижобий баҳолади.

Бугунги кунда юртимизда Қозоғистон капитали иштирокидаги 336 та корхона ва 16 та компания ваколатхонаси, Қозоғистон ҳудудида Ўзбекистон ишбилармонлари билан ҳамкорликда ташкил этилган 199 та корхона фаолият кўрсатмоқда. Улар томонидан савдо, транспорт-логистика ва бошқа хизматлар кўрсатилиб, қурилиш материаллари ҳамда кенг турдаги халқ истеъмоли моллари ишлаб чиқарилмоқда.

Мамлакатларимиз автомобиль ва темир йўлларда юк ва йўловчи ташинишда самарали ҳамкорлик қилиб келмоқда. Бу муҳим коммуникация тармоғи учинчи давлатлар учун ҳам транзит вазифасини ўтамоқда. Ўзбекистон ва Қозоғистон ҳудудларидан ташқи савдо юкларини ташинишда ўзаро преференциялар ва қўшимча имтиёзлар жорий этилгани савдо ҳажмини сезиларли ошириш имконини беришмоқда.

Давлат раҳбарлари Ўзбекистон – Қозоғистон давлат чегарасини демаркация қилиш, шунингдек, ўтказиш пунктларининг самарали фаолиятини таъминлаш жараёни муваффақиятли давом этаётгани, бу икки мамлакат чегарадош ҳудудлари аҳолисининг турмуш шароитини салмоқли даражада яхшилаш, трансчегаравий иқтисодий алоқалар ва гуманитар алмашинувларни жонлантириш, фуқароларнинг ўзаро ташрифларини фаоллаштиришга хизмат қилганини мамнуният билан қайд этдилар.

Томонлар Оролни қутқариш халқаро жамғармаси доирасида минтақа давлатларининг халқаро ташкилотлар, молия ва экология институтлари билан Орол денгизи ҳавзасида муайян дастур ва лойиҳаларни амалга ошириш бўйича ўзаро ҳамкорликни кенгайтиришдан манфаатдор эканини тасдиқлади.

Музокараларда транспорт, логистика, sanoat кооперацияси соҳаларида қўшма лойиҳаларни амалга ошириш бўйича келишувларга эришилди. Транспорт коммуникациялари соҳасидаги ҳамкорликни ривожлантириш, мамлакатларимизнинг экспорт салоҳияти ва транзит имкониятларини кенгайтириш бўйича қўшимча чора-тадбирлар ишлаб чиқиш зарурлиги таъкидланди.

Икки томонлама ҳужжатларни имзолаш маросими бўлди. Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев Қўшма баёнотни имзоладилар.

Икки мамлакат ўртасидаги ҳамкорликнинг турли соҳаларига оид 10 га яқин ҳужжат имзоланди. Солиқ резидентлигини тасдиқловчи расмий ҳужжатларни тан олиш тартиби, Ўзбекистон ва Қозоғистонда фаолият юритаётган икки мамлакат фуқароларининг меҳнат ҳуқуқларини ҳимоя қилиш, ноқонуний миграцияга қарши курашиш тўғрисида битимлар, "Марказий Осиё" савдо-иқтисодий ҳамкорлик марказини ташкил этиш тўғрисида меморандум ва бошқа соҳаларга оид келишувлар шулар жумласидандир.

Шунингдек, Ташқи ишлар вазирликлари ўртасида 2019-2020 йилларга мўлжалланган ҳамкорлик дастури, Ўзбекистон Республикаси Вазирлар Маҳкамаси ҳузуридаги Дин ишлари бўйича қўшма билан Қозоғистон Республикаси Ахборот ва ижтимоий ривожланиш вазирлиги ўртасида ҳамкорлик тўғрисида меморандум қабул қилинди.

Оммавий ахборот воситалари вакиллари учун брифингда давлат раҳбарлари музокаралар анъанавий дўстлик, ўзаро ҳурмат, ишонч ва очиқлик руҳида ўтганини, икки томонлама муносабатларнинг муҳим масалалари, ўзаро манфаатли минтақавий ва халқаро аҳамиятга молик долзарб муаммолар муҳокама қилинганини алоҳида таъкидладилар. Ташриф чоғида Ўзбекистон ва Қозоғистон Президентлари ўртасида эришилган келишувлар, имзоланган ҳужжатлар мамлакатларимиз ҳамкорлигини янги сифат босқичига олиб чиқиши қайд этилди.

Куннинг иккинчи ярмида Қозоғистон Республикаси Президенти Қосим-Жомарт Тоқаев Ўзбекистон Республикаси Бош вазир Абдулла Арипов ҳамроҳлигида Мустақиллик майдонида ташриф буюрди. Олий мартабали меҳмон хуриятимиз, порлоқ истиқболимиз ва эзу ниятларимиз рамзи бўлган Мустақиллик ва эзулик монументига гул қўйди.

Матназар ЭЛМУРОДОВ,
ЎЗА мухбири.

ЎЗБЕКИСТОНДА ҚОЗОҒИСТОН ЙИЛИ ОЧИЛДИ

(Боши 1-саҳифада)

Мамлакатимизда Қозоғистон адабиёти ва маданияти марказининг очилиши эса ушбу соҳадаги ҳамкорлик бардавонлигининг яна бир тасдиғи бўлди.

Дўстона муносабатларни мустаҳкамлашда Ўзбекистон – Қозоғистон парламентлараро дўстлик гуруҳлари ҳам муҳим аҳамият касб этмоқда. Хусусан, 2018 йил ноябрь ойида икки мамлакат парламентлари қуйи палаталари ўртасида ҳамкорлик меморандуми имзоланиши қонун ижодкорлиги муносабатларида янги даврдан янги босқичга олиб чиқади, – деди Қозоғистон Республикаси маданият ва спорт вазир Аристанбек Мухамедмули. – Кўплаб маданий тадбирлар, икки мамлакат санъат усталари

ри ва театр жамоаларининг гастроль сафарлари ташкил этилади. Бутун дунёда мамлакатларимизнинг бой тарихи билан танишиш, бетақорор урф-одат ва анъаналарини ўрганиш, меъморий ёдгорликлари мисолида асрий тамаддун ютуқларидан баҳраманд бўлиш истагида бўлган сайёҳлар сонини йил сайин ортиб бормоқда. Шу боис ҳам бугун туризм соҳасидаги ҳамкорлик биз интилаётган муҳим йўналишлардан бири бўлиб қолмоқда.

Ўзбекистонда Қозоғистон йили доирасида ўтказилаётган қўшма тадбирлар ва лойиҳалар айна шу каби ҳамкорлик учун ҳам мустаҳкам асос бўлиб хизмат қилади.

Очилиш маросими катта концерт дастури билан давом этди.

Шу билан Қозоғистон Республикаси Президенти Қосим-Жомарт Тоқаевнинг Ўзбекистон Республикасига ташрифи яқунланди.

ВАТАНГА СОДИҚЛИК ҚАСАМЁДИ

(Боши 1-саҳифада)

– Бугун ўғлим Шохрубекни харбий либосда кўриб хурсанд бўлдим. Кўзларимга қувонч ёшлари келди. – дейди наманганлик Холида Дамирзаева. – Онаман-да, фарзандимни соғинганман. Болам Ватан ҳимоячилари сафига қўшилганидан, ўзининг шарафли бурчини адо этаётганидан гурулдандим. Бугун ўғлимнинг ортидан келиб, Қарши шаҳридаги диққатга сазовор жойларни томоша қилдик. Айниқса, "Ватанпарварлар" боғи чиройли бўлибди. Илгари телевизорда кўргандим, лекин бунчалик кўркам эканини тасаввур ҳам қилмаган эканман.

Дарҳақиқат, Президентимиз ташаббуси билан барпо этилган боғ кун сайин ёшу кекса, барчанинг кўнглидан эзу мақсадларга хизмат қилиши, аҳолини ватанпарварликка чорлаши билан мустаҳкам жой эгалламоқда. Унга ташриф буюрувчиларнинг сонини кундан-кунга ортмоқда. Шу куни боғ янада гавжум ва кўркам бўлди.

Ў.БАРОТОВ,
ЎЗА мухбири.

Хоразм вилояти

Хоразмлик деҳқонларнинг тажрибасию маҳоратига тан бериш керак. Негаки, улар шўрланган тупроқда ҳам тилими тилни ёрадиган машҳур “гурвак” қовунию Карвакнинг машҳур олмалари, Деҳқонбозорнинг ширин узумларини етиштиради. Ғалла, пахта ёки шолини айтмасак ҳам бўлаверади...



Ердан зах қочса, УНУМДОРЛИК ОРТАДИ

Воҳада ана шундай ноз-неъматларни етиштириш учун биринчи ғалда ерларнинг уч, ҳаттоки тўрт маротабадан шўрин ювишга тўғри келади. Далалардан юврилган шўр сизот сувлари бўлиб, зақашлар орқали ер бағридан чиқиб кетади. Демак, ерларнинг унумдорлигини оширишда зақашларнинг ўрни кебис.

ташқил этилиб, уларнинг меҳнат жамоалари манзилли дастур асосида воҳадаги ерларнинг мелиоратив ҳолатини яхшилаш ва тупроқ унумдорлигини оширишга астойдил хизмат қилиб келмоқда.

4 миллиард 227 миллион сўмлик пудрат ишларини амалга оширди. Мелиорация объектларини куриш ва реконструкция қилиш ишлари бўйича 2 миллиард 943 миллион сўмликдан зиёд, ирригация объектларида 639 миллион 300 минг сўмлик, “Обод қишлоқ” дастури доирасида эса 1 миллиард сўмликдан кўпроқ ишлар амалга оширилди.

479 миллион 800 минг сўмлик курилиш ва таъмирлаш ишлари ҳам бажарилиб, йиллик режа 43,4 фоизга уддаланди.

Наманган вилояти

Томорқадан самарали фойдаланиш борасида Наманган вилоятда кенг қўлланма ишлар амалга ошириляпти. Вилоятда жорий йилнинг 1 апрелигача “Зарбдор йигирма кунлик” эълон қилиниб, томорқачиларга амалий кўмак бериш учун ишчи гуруҳлари шакллантирилди.

Томорқадан самарали фойдаланинг ва имтиёзга эга бўлинг!

Гуруҳларга 11 минг 409 нафар фаол аҳоли жалб этилди. Гуруҳлар томонидан томорқалар хатловдан ўтказилди. Самарали фойдаланилмайётган томорқаларга экин экилди. Кам таъминланган оилаларга кўчат ва уруғлик олиб берилди.

уч кун муддат ичида хонадонларга тарқатилди. Аҳамиятли томони, ундаги саҳифаларда хонадон эгаси, томорқа майдони, аъзолари сони, вояга етмаганлар, чет элга кетганлар, оиланинг ижтимоий ҳолати ҳақида ва бошқа зарур маълумотлар акс этган.

Фарғона вилояти

Риштонлик Шарифжон ака бир туп уруғдан 8 килограммгача ҳосил олмоқда

Шарифжон Умаров томорқадан даромад олиш бўйича фақат Капа қишлоғида эмас, бутун Риштон туманида пешқадимлар сафига юради. Унинг икки ўғли бўлиб, ҳар бирида 13 сотихдан томорқа бор. Катта ўғли Шухратжон Риштон академик лицейида жисмоний тарбия ва спорт фанидан дарс беради.

Унинг 4 сотихли иссиқхонасида 2,5 минг туп бодринг кўчати ўстирилляпти. Яқин кунларда уларни бозорга чиқаради. Бундан ташқари, 700 тупдан ортқ помидор кўчати ҳам ўстирилляпти. Кичик ўғли Уринбой ҳам акасига ҳаммаси. У ҳам шу лицейда математика ва кибернетика фанидан дарс беради.

йиллар колхозда бригада бошлиғи бўлиб ишлаган, ўта зийрак ва меҳнаткаш инсон эди. — дейди Шарифжон ака. — Мен ҳам отамдек меҳнат қилишга тиришим. Ўғилларим ҳам олдимда нимани кўрган бўлса, шунини қилишляпти. Ўзлари олий маълумотли бўлса ҳам ерга меҳри бўлакча. Ишдан келиб, иссиқхонага шошади, меҳнат қилиб роҳат олади.

Вилоятда “Ўзбекистон Республикаси Фермер, деҳқон хўжаликлари ва томорқа ер эгалари кенгаши ҳамда Фуқароларнинг ўзини ўзи бошқариш органлари фаолиятини мувофиқлаштириш бўйича Республика кенгашининг деҳқонлар ва томорқа ер эгаларига Муурожаати”нинг мазмун-моҳиятини аҳолининг барча қатламларига етказиш борасида самарали усуллардан кенг фойдаланилди.

Норин туманидаги Хўжақўрғонча маҳалласида истиқомат қилувчи Турсунбой Шайхўжаев хонадонида 8 нафар оила аъзолари яшайди. 12 сотих томорқаси бор. Унинг 6 сотихига турли-туман мевали дарахтлар экилган. Шунингдек, 3 сотих ерда эртанги картошка ва сабзи пишиб етилади.

УЭълонлар

Хўрматли тадбиркорлар ва сармоядорлар диққатига! “Ko`chmas mulk savdo xizmati” МЧЖ

ОЧИҚ АУКЦИОН САВДОЛАРИГА ТАКЛИФ ЭТАДИ!

“Ko`chmas mulk savdo xizmati” МЧЖ томонидан ташқил этилган очик аукцион савдоларига Ўзбекистон Республикаси ТИФ Миллий банки қошидаги “НБУ Бунёдкор Инвест” МЧЖнинг 2019 йил 11 апрелдаги 431-сонли буюртманомасига асосан қуйидаги кўчмас мулк қўйилмоқда:

қабул қилиш аукцион ўтказилиши белгиланган кундан бир иш куни олдин соат 18:00 да тўхтатилади. Аукцион савдосида қатнашиш учун ариза билан биргаликда қуйидаги ҳужжатлар тақдим этилади:



Савдода иштирок этиш учун талабномалар қабул қилинадиган манзил: Тошкент шаҳри, Олмазор тумани 1-Қорақамш кўчаси 1А-уй. Тел: (0371) 228-80-27, 228-80-26. www.1kms.uz. Электрон почта: kmsxuz@inbox.uz, kmsxuz@mail.ru. Лицензия RR-0001.



Реклама ҳуқуқида

“Қизим Назокатхон қўли гул чевар. У тиккан болалар либослари, айниқса, байрамларга мўлжалланган кийимларига талаб кўп. Болажонлар учун айиқполвон, қуёнча, тулкиой ёки шолғом шаклидаги қувноқ либосларга буюртма бериш учун харидорлар қўшни туманлардан ҳам излаб келишади. Кейинги вақтларда буюртмалар кўплигидан бир ўзи улгурмаётган эди...”

“Ҳар бир оила – тадбиркор” дастурида Агробанк ҳам фаол

“Агробанк”дан берилган 11 миллион сўмдан зиёд маблағ ишимиз ривожига қўл келмоқда. Уч йилга берилган бу кредит эвазига биз учта тикув машинаси харид қилиб, янги иш ўринлари очдик.

Бу Наманган вилояти Чуст туманида яшовчи Насиба Эркабоевнинг дил сўзлари эди.

Жорий йилнинг 28 февраль-1 март кунлари Ўзбекистон Республикаси Президенти Шавкат Мирзиёевнинг Наманган вилоятига ташрифидан сўнг вилоятда “Ҳар бир оила – тадбиркор” ҳаракати кенг қулоч ёймоқда.

Ҳар бир ҳудуд хусусияти ва имкониятидан келиб чиқиб, янги



корхоналар ташкил этиш, иш ўринлари яратиш, бунёдкорликнинг барча йўналишларини юксалтиришга оид топшириқлар ижросини таъминлаш, хусусан, Чуст туманида оилалар манфаатдорлигини оширишда “Агробанк” ҳам ўз хиссасини қўшмоқда.

Жорий йилнинг 1 апрель

кунига қадар “Агробанк” АТБ-нинг Чуст филиали томонидан 477 нафар оиллага 8,1 миллиард сўм кредитлар ажратилди. “Ҳар бир оила – тадбиркор” давлат

дастури доирасида берилган ушбу маблағлар кўпгина оилалар манфаатдорлигини ошириш билан бир вақтда соҳалар юксалишига ҳам хизмат қилмоқда.

Оилаларга тақдим этилган кредит маблағлари аниқ мақсадларга йўналтирилмоқда. Яъни, хонадонларда тикувчилик, тўқувчилик ишларини йўлга қўйиш, иссиқхоналар барпо этиш, чорва моллари боқиш, паррандачилик, балиқчилик, қуёнчилик, асаларичилик билан шуғулланиш ва бошқа қатор йўналишларда тадбиркорлик билан шуғулланиш учун тақдим этилмоқда. Мисол учун, 27 миллион сўм кредит олган Меҳринисо Мираҳимова туяқушчиликни ривожлантириш мақсадида туяқуш жўжаларини харид қилди. Ҳабибулла Ободов эса олинган 12 миллион 220 минг сўм эвазига насли қорамол сотиб олди.

– Кичик майдонда қурилган қўлбола иссиқхонада маҳсулот

етиштирардик, – дейди Чуст тумани Карнон қишлоғида яшовчи Абдулла Мадалиев. – Замонавий иссиқхона қуришга эса маблағимиз етмасди. Яқинда банк ажратган қарийб 15 миллион сўм эвазига замонавий иссиқхона қурдик. Майнинг бошида бодринг, октябрда эса турли хил кўкатлар етиштириш ниятида-миз. Шу тариха бир йилда уч марта ҳосил олса бўлади.

Дарҳақиқат, “Ҳар бир оила – тадбиркор” дастури каттаю кичикни бирдек ҳаракатга келтириб қўйди. Ким билан суҳбатлашманг, тадбиркорлик билан шуғулланиб нафақат оиласига, балки жамият ривожига ҳисса қўшиш ниятида эканини айтади. Айниқса, ушбу дастур аҳоли зич яшайдиган Наманган вилоятида муҳим масала – бандлик муаммосини ҳал этиш билан бирга, аҳоли хонадонларининг даромадини оширишда кенг имкониятлар яратмоқда.

“Агробанк” АТБ матбуот хизмати.



Реклама ва эълонлар

PLANETA SERVIS

ТРАКТОРВОР.UZ

«МТЗ» ВА «БЛЮМИНГ» КОМПАНИЯЛАРИНИНГ РАСМИЙ ДИЛЕРИ

(+998 98) 125-7-125 (+998 98) 125-8-125

Маҳсулотлар сертификатланган.

Тўловлар нақд пул ва пул ўтказиш йўли билан амалга оширилади.

Хизматлар лицензияланган.

ПАХТАЛИЗИНГ

ҚИШЛОҚ ХЎЖАЛИК КОРХОНАЛАРИ УЧУН

ТЕХНИКАЛАР, ШИНАЛАР, ЭҲТИЁТ ҚИСМЛАР

Манзил: Тошкент шаҳри Чилонзор тумани Кичик ҳалқа йўли кўчаси 52-уй.

Телефон: (+998 71) 150-10-56; +998 71 150-02-16; (+998 95) 177-10-56; +998 95 177-02-16.

e-mail: info@paxtalizing.uz www.paxtalizing.uz

Маҳсулотлар сертификатланган.

Хизматлар лицензияланган.

ТОГЛАР МАХСУС ВА ОДДИЙ ТРАКТОРЛАР!

Барча тракторлар корхонанинг Тошкентдаги омборхонасида мавжуд

- Экскаватор-погрузчик ЭП-Ф-П (Б) бульдозер
- Бульдозер-погрузчик БЛ-750
- Занжири экскаватор-погрузчик ЭП-Ф-Ц
- Асфальторез
- Подъемник БЛ-09
- “Беларусь” (МТЗ)-80х, 80.1, 82.1, 1025.2, 1221.2
- “Беларусь” тракторлари эҳтиёт-қисмлари
- Турли моделдаги шиналар

Маҳсулотлар сертификатланган.

Т.: (+99893) 501 6911, (+99871) 252 1629, 256 0955. E-mail: toglar_uz@mail.ru www.toglar.uz

Низов Фаробий кўч. 5-йил 46-хонадонда жойлашган Олмазор т. ДХМ томонидан 001658-05 реестр рақами билан рўйхатдан ўтган “DIYOR-PLASTMET” М-ҲК (СТПР 206817000) муассисининг 2019 й. 11 апрелдаги 3-қарори билан тугатилди. Давлолар мuddати эълон босилган сандан бошлаб 6 ой.

Олмазор т. “YAGONA DARCHA MARKAZI” томонидан рўйхатга олинган “BEST BIZNES BARAKA SAVDO” М-ҲКга тегишли бир дونا думалоқ муҳр йўқлиги сабабли билан бекор қилинди.

Тошкент ш. Мировот т. ДХМ томонидан 2018 й. 7 майда 606645 реестр рақами билан рўйхатдан ўтган Тошкент ш. Мировот т. Ойбек кўч. 59-уй 21 хонадонда жойлашган “DYNAMIC ANALYTICS” М-ҲК (СТПР 305533471) тугатилди. Асос М-ҲК қатнашчиларининг 2019 й. 11 апрелдаги 1-сонли навбатдан ташқари йилги қарор. Давлолар учун мuddат 1 ой. Тел.: (99) 822-35-75.

Тошкент ш. Олмазор т. Шифоқорлар кўч. 2. 1’5-уй 103 хонадонда жойлашган Тошкент ш. Олмазор т. ДХМ томонидан 05.09.1918 й. да 633064 реестр рақами билан рўйхатдан ўтган “NODIRSHOX XOLIS O’G’LI” ХК (СТПР 305727404) ихтиёрий равишда тугатилишини маълум қилади. Давлолар эълон чиққан сандан бошлаб 1 ой. Тел.: (90) 316-65-02.

Олмазор т. ДХМ томонидан 2018 й. 16 июлда 622672 реестр рақами билан рўйхатдан ўтган “FAIZ NUR” оилавий корхонаси мулкчилик шакли хусусий корхонасига ўзгартириш муносабати билан “FAIZ NUR” хусусий корхонаси “FAIZ NUR” оилавий корхонасининг барча ҳуқуқ ва мажбуриятлари бўйича ҳуқуқий вориси ҳисобланади. Муҳражат учун тел.: (99) 481-41-41.

Олмазор т. “YAGONA DARCHA MARKAZI” томонидан рўйхатга олинган Яқога тартибдаги тадбиркор “ALIYEVA NAIMA AXMATJANOVNA”га тегишли бир дона думалоқ муҳр йўқлиги сабабли бекор қилинди.

Тошкент ш. Давлат хизматлари маркази томонидан 17.07.2018 й. да 622917 рақам билан рўйхатдан ўтказилган “SHANARSOZLIK HUNJATLARI EKSPERTIZASI DAVLAT UNITAR KORXONASINING TOSHKENT VILOYATIDAGI SHO VA KORXONASI” (СТПР 306854701) М-ҲК Ўзбекистон Республикаси Қурилиш Вазирлигининг 2018 й. 20 августдаги 149-сонли буйруғига асосан ихтиёрий тугатилишини маълум қилади. Дебитор ва кредиторлар эълон чиққан кундан бошлаб 2 (икки) ой мuddат ичида қўйидаги манзилга муҳражат қилишлари мумкин. Тошкент ш. Шайхонтоҳур т. Абай кўч. 6-уй. Тел.: (71) 244-26-04.

“Ўзгелиомашлизинг” давлат унитар корхонаси ҳузуридаги “Мелиомашлизингсервис” масъулияти чекланган жамияти жамоаси “Ўзгелиомашлизинг” давлат унитар корхонаси Ижро этувчи директори Ақром Сулаймоновга падали бузруквори Исомиддин Ҳожи СУЛАЙМОНОВнинг вафоти муносабати билан таъзия изхор этади.

“Қишлоқ қурилиш банк” акциядорлик тижорат банки жамоаси банк марказий идораси ходими Ақмал Абдуллаевга волидаи муҳтарамаси Иззатой ХУДОЙҚУЛОВАнинг вафоти муносабати билан таъзия билдирди.

QISHLOQ HAYOTI

МУАССИСЛАР:
Ўзбекистон Республикаси
Вазирлар Маҳкамаси
таркибидаги ҳамда бошқа
дахлдор вазирлик ва идоралар.

Бош муҳаррир Чори ЛАТИПОВ

ТАХРИР ҲАЙЪАТИ: Жамшид ХУЖАЕВ, Шавкат ҲАМРОЕВ, Бақридин ЗАРИПОВ, Шухрат ТЕШАЕВ, Муҳаммаджон ТОШБОЛТАЕВ, Абдурашул АБДУЛЛАЕВ, Ақтам ХАИТОВ, Ботир СУЛАЙМОНОВ, Маҳмуд ТОИР ҲАБИБ ТЕМИРОВ (Бош муҳаррир ўринбосари), Раимқул СУЯРОВ (Бош муҳаррир ўринбосари), Суҳроб ЗИЕДУЛЛАЕВ (Масъул котиб).

Телефонлар: Қабулхона – 236-26-50, Котибият – 236-26-47, Аграр масалалар бўлими – 233-76-78, Маънавият ва маърифат бўлими – 236-26-35, Иجتимой-сиёсий ва ҳуқуқий масалалар бўлими – 236-26-49, Хатлар ва жамоатчилик билан алоқалар бўлими – 233-76-78, Факс – 233-44-43, 233-09-93.

Реклама ва эълонлар: 236-26-50, 233-28-04.
web sayt: www.qishloqhayoti.uz e-mail: info@qishloqhayoti.uz

Худудлардаги муҳбирлар:

Коррақалпоқiston Республикаси – (+99890) 592-62-04

Вилоятлар:

- Андижон – (+99893) 630-73-03,
- Бухоро – (+99891) 401-29-59;
- Жиззах – (+99893) 940-10-78;
- Навоий – (+99891) 332-50-99;
- Наманган – (+99893) 948-53-86;
- Фарғона – (+99890) 407-76-03;
- Самарқанд – (+99897) 675-50-67;
- Сурхондарё – (+99894) 168-23-60;
- Сурхондарё – (+99890) 520-20-05;
- Тошкент – (+99890) 976-39-58;
- Хоразм – (+99897) 790-47-61;
- Қашқадарё – (+99897) 290-28-88.

Ўзбекистон Матбуот ва ахборот агентлиги томонидан

2009 йил 13 февралда
№ 0020-рақам билан рўйхатдан ўтказилган.
Буюртма Г-425, ҳажми 2 босма табоқ
Офсет усулида босилди, қоғоз бичими А-2.
Манзилмиз: 100000, Тошкент, Матбуотчилар кўчаси, 32-уй.
Газета тахририятининг ўзида компьютерда терилди ва
дизайнер Маркс ЮСУПОВ томонидан саҳифаланди.
6 841 нусхада чоп этилди.
НАШР ИНДЕКСИ – 144
Босишга топшириш вақти: 21.00
Босишга топширилди: 03.00

ISSN 2010-7021



Навбатчи муҳаррир:
А.ҲАҚБЕРДИЕВ